



UNIVERSITÄTS-  
BIBLIOTHEK  
PADERBORN

**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

25 Quæ aptitudo ex parte corporis sit necessaria.

---

[urn:nbn:de:hbz:466:1-72459](#)

morum, hanc probitatem strictè requirit. Et sanè huīus conditionis in electionibus, presentationibus, & collationibus potissima ratio est habenda; nam ex huīus neglectu ferè perniciē Ecclesia manauit, ut sapè queritur Rebuffus. Sicut enim is qui improbus est moribus, maximè Ecclesia obest, etiam si aliqui sit eruditus; ita valde probus, et si aliquid scientiae vel habilitatis defuerit, plurimum proderit: quod enim per se non poterit, curabit suppleri per alios. Ipse quoque cūm suo exemplo plus proderit doctrina & concionandi gratia mediocri, quām alij magnā, bonis exemplis destitutus.

126  
Crimino-  
sus.

Dico Secundò, Collatio tamen facta criminoso, non est ipso Iure irrita, nisi illud crimen annexam habeat censuram, vel aliquam irregularitatem. Ita Nauarrus cap.27. num. 2.51. & in cap. Si quando, exceptione 16. & 17. Est tamen irritanda ab eo qui potestate habet; vt patet ex cap. Inter dilectos, de excessibus Prælatorum.

## DVBITATIO XXIV.

Quanam scientia sit necessaria.

127  
Episcopus.

R Espondeo, Eam scientiam ad quodque beneficium requiri, quā ad munus beneficio annexum ritè obendum est necessaria, vt patet ex Concil. Lateranensi. cap. Cūm in cunctis, de elect. est que ratione naturali per se euident. Concil. Trident. sess. 22. cap. 2. requirit, vt is qui fururus est Episcopus, sit Doctor aut Licentiatius in Theologia, vel Iure Canonico; aut saltem publica alicuius Academia testimonio ad alios docendos idoneus offendatur.

Cardinalis.  
Archidia-  
conus.

Vbi aduerte, ea omnia & singula, quā Concilium Trident. constituit de Episcoporum præciendorum vita, astate, doctrina, & ceteris qualitatibus, seruanda esse in creandis Cardinalibus; vt eadem Synodus sess. 24. cap. 1. de reform. decernit. vnde pari eruditione instruci essem debent; & merito, cum sint Summi Pontificis in causis fidei & morum intimi Consiliarii, & summus orbis terrarum Senatus. Eamdem conditionem cap. 2. requirit in Archidiacomis; quia, inquit, oculi Episcoporum dicuntur. In ceteris nihil certi præcibit, sed quisque debet esse instrutus scientia muneri suo necessaria, quā virūm adfis, iudicabit Episcopus & examinatores. quia nemo sine examine ad quodcumque demum beneficium admitti debet, vt statuit idem Concilium sess. 7. c. 13. & sess. 25. c. 9. vbi etiam reddit irritam institutio- nem factam ab eo, qui inferior est Episcopo, nisi institutus, fuerit anteā ab Episcopo examinatus.

128  
Examen  
necessariū  
re benefic.  
posse obti-  
nere.

Qui exi-  
mantur.

Excipiuntur tamen præfati & nominati ab Universitatibus ad beneficia non parochialia: hi enim non sunt examinandi; vt patet sess. 7. cap. 13.

Potes, Vtrūm collatio, facta ei qui non habet scientiam requisitam, sit irrita?

Respondeo, Si omnino est illitteratus, est irrita, vt docent plerique DD. cum Panorm. in cap. Duximus. i.e. de electione, & Innoc. in c. 7. Cūm in cunctis, eodem titulo, quod fusè probatur à Nauarro in cap. Si quando, exceptione 16. & confirmatur ex Trident. Concil. sess. 22. cap. 4. vbi irrita decernitur omnis promissio facta ei, qui atatem & ceteras habilitates integrè non habuerit. ratio est, quia plane

illiteratus nullo modo officium præstare potest: de quo vide plura apud Nauarr. in dictum cap. Si quando. Si autem aliquam scientiam habeat, ita Mediocrit. vt aliquo modo possit satisfacere officio, non est quidem irrita, posset tamen & omnino deberet irritari; nisi breviter putaretur habiturus sufficiētem, colligitur ex cap. Nisi. 10. de renuntiatione: teneret Innocent. in cap. Cūm in cunctis, de electione, quem ceteri sequuntur.

## DVBITATIO XXV.

Quae aptitudo ex parte corporis sit  
necessaria.

130  
R Espondeo, Eam aptitudinem requiri, qua<sup>130</sup> necessaria est ad decenter præstandum officium: hæc enim Iure nature necessaria est; (<sup>Aptitudo</sup> ut corporis. colligitur ex cap. Nisi, de renuntiatione) ita vt collatio facta ei, qui hac aptitudine caret, sit irrita; vt colligitur ex Concil. Trident. sess. 22. cap. 4. Hinc cæcus est incapax; quia preces Canonicas Cœcū recitate nequit.

Notandum tamen, si debilitas aliqua superueniat, per quam reddatur inceptus ad officium; non ideo priuari beneficio ante obtento, sed posse eo libere frui. si tamen habeat curam animarum, prouidere debet vt per Vicarium benè administretur.

## DVBITATIO XXVI.

Quae & qualis intentio sit necessaria.

131  
R Espondeo & Dico Ptimò, Ad omne bene-  
ficiū requiri determinatam intentionem Intentio  
status Ecclesiastici, & ordinis muneri suo necesa-  
rii. Est communis DD. non enim par est vt Eccle-  
siastica beneficia dentur iis, qui nondum statue-  
runt se ministerio Ecclesiæ mancipare.

Sed dubium est, vtrūm quis ita absolute debeat sibi statum Ecclesiasticum præfigere, vt non possit habere propositum deserendi, si laetior conditio in saeculo se obtulerit? Respondeo, &

Dico Secundò, Satis esse, si sincera & bona fide proponat statum Ecclesiasticum, nec velit ab eo proposito resilire, nisi causa aliqua iusta incidat, v. g. nisi frater primogenitus moriatur; vel nisi opimum matrimonium, ad conseruandam magnum familiam vel ad lites extinguidendas necessarium, oblatum fuerit. Ita Nauarrus cap. 25. num. 118. ratio est, quia non est mens Ecclesiæ, per beneficium ita firmiter ad statum Ecclesiasticum obligare, vt nullam ob causam possis dese-  
xere; hoc enim nimis durum esset, & sapè rationi non satis consentaneum; nam maiora bona im-  
pedientur.

Dico Tertiò, Qui accipit beneficium eo tan-  
tum animo vt eius fructibus alatur donec studia  
absoluerit, vel opulentam vxorem inuenerit, cum  
animo tunc deserendi; peccat mortiferè, nec po-  
test illud beneficium retinere. Est communis len-  
tencia DD. Vide Nauarrum de orat. miscell. 44. &  
l. 3. confilio 16. de præbendis.

132  
Non teme-  
tur fructus  
restituere.

Aduerte tamen, hunc non teneri ad restitu-  
tionem fructuum, si muneri suo satisfecit; quid est contra Gabrielem d. 15. q. 8. a. 3. & Siluestrum v. Beneficium. 3. q. 5. nec esse ipso Iure priuatum,

nisi